

iBAF2014

perkasa

kefahaman

kewangan Islam

SEREMBAN 16 Sept. - Universiti Sains Islam Malaysia (USIM) melalui Fakulti Ekonomi dan Muamalat (FEM) akan menganjurkan Seminar Kewangan Islam, Perakaunan dan Kewangan (iBAF2014) kali keenam pada 23 dan 24 September ini.

Menurut satu kenyataan yang dikeluarkan oleh Pusat Komunikasi Strategik (StraComm) USIM di sini hari ini, penganjuran program itu mendapat kerjasama Pusat Pembiayaan dan Pengurusan Wakaf (PPPW), Pusat Pengurusan Harta dan Kewangan Islam (IFWMI) dan Malaysian Muamalat Association (MMA).

Jelas kenyataan itu lagi, seminar ini akan menyediakan platform bagi ilmuwan, penyelidik, pengamal industri, pembuat dasar bagi berbincang dan bertukar idea, kepakaran untuk memperkasakan pemahaman dan penguasaan berkaitan pengaplikasian kewangan Islam dalam sektor kebajikan sosial dan komersial.

Tambahnya, dijangkakan sebanyak lebih 80 kertas kerja dibentangkan dalam seminar ini oleh pembentang dalam dan luar negara selain ucap tama daripada Professor Dr. Mohammed Obaidullah dari Islamic Research and Training Institute (IRTI), Jeddah, Arab Saudi.